

Viver en il Grischun – med didactic attractiv en rumantsch

Publicaziun dal nov med d'instrucziun per uman ed ambient er en rumantsch grischun

■ (mc) Cun «Viver en il Grischun, tom II» è ussa vegni cumplèttà il med d'instrucziun per uman ed ambient per la 4.-6. classa dal chantun Grischun. Il med d'instrucziun stat a disposiziun en rumantsch, tudestg e talian e tracta la geografia e l'istoria dal chantun Grischun sco er temas socioculturals. Per l'instrucziun dad uman ed ambient stat ussa pia a disposiziun sin il stgalim mesaun da la scola primara in med d'instrucziun cumplet per temas istorics, geografics e socioculturals. Cun numerus maletgs, cun diversas illustraziuns e cun texts bain enclegiantaivels vegnan las scolaras ed ils scolars intimads tras questi dus toms da sfegliar e da leger, da far dumondas e da perscrutar. A las personas d'instrucziun stattan a disposiziun materialias variadas che faciliteschan la preparaziun da lur instrucziun.

Collavuraziun interchantunala

Il med d'instrucziun sa basa sin in concept da la centrala interchantunala per medis d'instrucziun (Cimi). Pervia da quai ha «Viver en il Grischun» tschertas sumeglientschas cun ils novs medis d'instrucziun correspondents per uman ed ambient en auters chantuns. Il tratg cuminaivel en tut ils chantuns è quel ch'ils cuntegns èn repartids sin in cudesch per scolaras e per scolars, sin ina DVD cun fegl da laver, sin datotecas dad audio, da film e da maletgs, sin datotecas da texts cumplementars e sin in commentari per

las personas d'instrucziun. Il giavisch central dals manaders grischuns dal project (*Fredy Tischhauser* per il tom I, *Domenic Melcher* per il tom II) è sta quel da prender il mund da viver dals uffants e

dals giuvenils sco punct da partenza per tractar differents temas. Uschia chattan ils uffants ed ils giuvenils – sin basa da lur enconuschentschas e da lur experientschas – pli tgunsch access a chaussas

novas. Ultra da las auturas e dals auturs principals han differentas personas d'instrucziun da tut las regiuns dal Grischun gidà a cuntanscher quai cun lur contribuziuns.



A las scolas rumantschas stattan uss a disposiziun cun ils dus toms da «Viver en il Grischun» en rumantsch grischun dus medis didacticis moderns e bain illustrads per l'instrucziun dal rom uman ed ambient.



FOTOS MAD

Temas geografics, istorics e socioculturals

En il tom 1 dal med d'instrucziun vegnan tractads temas e secturs d'emprender or da l'istoria ed or da la geografia dal Grischun. En il tom 2 vegnan vitiers da nov cuntegns dal sectur social. Tractads vegnan la mobilitad u ils ciclus dal provediment e da la dismessa, ed ils uffants s'occupan er da dumondas davart la convivenza a chasa, en classa ed en il stadi. En quest connex vegni – partind dal preschent – savens guardà en il passà, ed i vegnan er tschentadas dumondas davart svilups futurs. Ulteriurs chapitels tractan il «lavorar» ed il «abitar e construir». Terminà vegn il tom 2 cun in sguard sin in pèr aspects da la geografia svizra.

Parts dal med d'instrucziun, linguas

Il cudesch per scolaras e per scolars è cumparì per rumantsch, per talian e per tudestg. Ils dus toms dal cudesch per scolaras e per scolars en il format A4 vegnan consegnads sco in artigel. Il commentari per las personas d'instrucziun stat a disposiziun en furma stampada, dentant mo per tudestg. Las DVDs ch'en integradas en il commentari cumpigliant tut ils fegl da laver en tut las traís linguis chantunala. Intgins texts, documents sonors e tschertas sequenzas da films cumplenteschan la purschida ed èn avant maun – sco documents originals ed istorics – mo en ina u en duas linguis.